



ĀMIKI 19

HE WHAKAMĀRAMA MŌTE NOHOANGA TŪMATANUI WHEAKO MĀORI

**TŌ MURI TE PŌ ROA,
TĒRĀ A POKOPOKO WHITI-TE-RĀ**

22 O PĒPUERE 2022

- 1 Ko tā tēnei Āmiki he whakatakoto i ngā whakamārama mō te nohoanga tūmatanui a te Uiui Kōmihana ā-Karauna e kainamu mai nei, ā, e rangona ai ngā wheako o ngā Māori i tūkinotia rā i raro i ngā taurimatanga. Ka hāngai ki tēnei nohoanga anake. Kai te [Practice Note 6 – Public Hearing](#) ētahi atu whakamārama e pā ana ki te nohoanga tūmatanui.

Te ingoa o te Nohoanga

- 2 E manaaki ngātahitia ana tēnei hui me Ngāti Whātua Ōrākei i homai nei i te ingoa o tēnei nohoanga: “Tō muri te pō roa, tērā a Pokopoko Whiti-te-rā.” E hāngai nei tēnei ingoa ki te tūmanako me te whakamahu mō ngā purapura ora i tūkinotia rā i raro i ngā taurimatanga, i muri i ngā tau roa i te pōuri.

Tikanga

- 3 I te mea e manaaki ngātahitia ana te hui me Ngāti Whātua Ōrākei ki tō rātau tupuna whare, ki Tumutumuhenua, ka whāia te tikanga i roto i te roanga ake o te nohoanga e ai ki te kawa o Ngāti Whātua Ōrākei.

Te toihau o te Nohoanga

- 4 Ka whakahaere ngātahitia tēnei nohoanga e Kaikōmihana Erueti rāua ko Kaikōmihana Steenson.

Te wāhi me te wātaka

- 5 Ka tīmata te Nohoanga hai te Mane te 7 o Māehe 2022.
- 6 E tika ana kia tū ā-kanohi ki te kanohi kē te hui ki te marae o Ōrākei, i 59B Kitemoana Tiriti, Ōrākei, Tāmaki Makaurau.
- 7 Heoi, nā te pakarutanga o te momo Omicron o Kowheori-19 ki waenga i te hapori, i huri ai te nohoanga ki te ipurangi, ā, ka whakapaoho inamatahia mai i te marae o Ōrākei ki te pae tukutuku o te Kōmihana ā-Karauna.
- 8 Hai te Mane te 7 o Māehe ka tīmata te nohoanga ki te pōwhiri ā te 10:00am. Ka whakahaeretia hoki te pōwhiri mā te ipurangi, ā, ka whakapaoho inamatahia ki te pae tukutuku a te Kōmihana ā-Karauna.
- 9 Kua whakaritea kia 10 rā te roa o te nohoanga, ā, whakahaerengia ai mai i te 9:30am ki te 5:00pm me tētahi whakatā hai te kai o te rānui mai i te 1:00pm ki te 2:15pm. He whakamārama anō pea e hāngai nei ki te wātaka ka ara ake i te Toihau.
- 10 E tāpiri nei ko te wātaka nohoanga whakatakoto ki Tāpiritanga A o tēnei Āmiki. Tērā pea ka panoni tēnei wātaka nohoanga.

Ngā kōrero whakatuwhera, kati anō hoki

- 11 Kai te āhua tonu o ngā panonitanga ka tohutohuhia e te Uiui:
 - a. 10 mēneti anake te roa o te whakatakoto kōrero whakatuwhera ki ngā kaiwawao o te hunga whai wāhi mai.
 - b. Ka whai tonu mai tēnei i te kōrero whakatuwhera a te Kaiwawao e āwhina nei i te Kōmihana.
 - c. Mehemea ngā kaiwawao o te hunga whai wāhi matua ka hiahia ki te whakatakoto tāpaetanga kati ā-waha, me tuku tonu rātau e āhei ai te pērā, heoi me tae rawa i mua o te Mane te 28 o Pēpuere 2022.
 - d. Mehemea ngā kaiwawao o te hunga whai wāhi mai ka hiahia ki te whakatakoto tāpaetanga kati ā-tuhi, me tuku rawa i mua i te 5pm o te Tāite te 17 o Māehe 2022.

Ngā whakamārama e pā ana ki te pātaitai kaikōrero

- 12 Practice Note 6 – kai ngā Nohoanga Tūmatanui e whakamāramatia ana te tukanga mō te tono ki te pātaitai kaikōrero. Ko ngā kaikōrero katoa ki te uiui he purapura ora. Nā reira, hai whaiwhai ake i te practice note 6, me take motuhake nui rawa e pātaitaitia ai rātau. Me mātua tae rawa ngā tono pātaipati kaikōrero i mua i te Mane te 28 o Pēpuere 2022, e whiriwhiritia ai e te Toihau i mua i te tīmatanga o te Nohoanga.

Te kawa mō te whakahaere pukapuka i te roanga o te nohoanga

- 13 I tēnei Uiui, ka noho ko te hangarau whakarongo kōrero hai whakanikoniko i te wātea ki ngā pukapuka ka kōrerotia i te nohoanga tūmatanui, e wātea ake ai ēnei ki te hunga whai wāhi mai, tae noa ki te tūmatanui ka hono mā te whakapaoho inamata.
- 14 Mehemea tētahi o te hunga whai wāhi mai ka hiahia kia tīpakongia ētahi kupu, kōwae, wāhanga rānei o ngā pukapuka ki te mata, me mātua tohu ki te Uiui hai te hoatutanga o taua pukapuka. Ko ngā whakapāpā katoa e pā ana ki tēnei take me tuhi rawa ki te Rōpū Whakahaere Taunakitanga a te Uiui ki evidence.management@abuseincare.org.nz.
- 15 Mehemea tētahi take ka ara ake i te roanga o te nohoanga kia hiahia ai tētahi o te hunga whai wāhi mai ki te hoatu pukapuka anō hai whakaatu ā-matihiko, ka mahi nui te Uiui kia tutuki tērā. E tono atu nei ki te hunga whai wāhi mai kia wawe te tuku mai, ā, ko te tono ia kia hoatu i mua i te 24 hāora i te tīmatanga.
- 16 Ko te tikanga ia ko ngā pukapuka katoa ka whakaatungia ki te nohoanga mā te hangarau whakaatu ka wātea te katoa o aua pukapuka (kua ko ngā wāhi anake ka whakaatungia ki te mata) ki te tūmatanui mā te pae tukutuku o te Uiui hai te mutunga o tā tērā kaikōrero whakatakoto kōrero, ā, me 72 hāora rawa te roa ki te whakairi (kai te Uiui anake te tikanga) kia ea ai ētahi whakahau s 15, panonitanga rānei mehemea he pērā.

Wāhanga 15 Uiuinga Ture Tono

- 17 Kua oti nei i te Uiui tētahi General Restriction Order me tētahi Practice Note – Section 15 Orders – Anonymity and Redactions i whakatakotoria anō ai i te 2 o Hepetema 2020. E mana ana ngā kōrero o roto o aua pukapuka. E wātea nei ki te tūmatanui i te pae tukutuku o te Uiui.
- 18 E wātea ana te hunga whai wāhi mai ki te tono s 15 mehemea rātau e whakaaro ana me pērā. Ko ēnei tono me tae rawa i mua i te 28 o Pēpuere 2022 kia whai wā ai te Uiui ki te matapaki i te tono me ētahi atu anō tono ka tukua i mua i te tīmatanga o te nohoanga.

Mā te Uiui a te Kōmihana ā-Karauna Tūkinotanga i raro i ngā Taurimatanga ā-Karauna, ā-Wāhi Whakapono anō hoki.



Coral Shaw

Nā te Toihau

22 o Pēpuere 2022

Appendix A – Proposed Hearing Schedule
Tāpiritanga A – Wātaka Nohoanga Whakatakoto

WITNESS KAIKŌRERO	START TIME WĀ TĪMATA
Day 1 – Monday 7 March 2022 Rā Tuatahi – Mane te 7 o Māehe 2022	
Pōwhiri Opening Ceremony by Ngāti Whātua Ōrākei He pōwhiri nā Ngāti Whātua Ōrākei Opening statements – Counsel Assisting the Royal Commission and Core Participants Ngā kōrero whakatuwhera – Ngā Kaiwawao e āwhina nei i te Kōmihana ā-Karauna me te hunga whai wāhi matua.	10:00am – 1:00pm
Hākari	1:00pm – 2:15pm
Tupua Ulrich (AVL)	2:15pm – 3:45pm
Ihorangi Reweti-Peters (AVL)	3:45pm – 5:00pm
Day 2 – Tuesday 8 March 2022 Rā Tuarua – Tūrei te 8 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Ms AG, Ms AH, Mr AI, Ms AJ, Ms AK (AVL)	10:00am – 1:00pm
Kai o te rānui	1:00pm – 2:15pm
Glenda Maihi (AVL)	2:15pm – 5:00pm
Day 3 – Wednesday 9 March 2022 Rā Tuatoru – Wenerei te 9 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Ms AF (AVL)	10:00am – 1:00pm
Kai o te rānui	1:00pm – 2:15pm
Ms AE (AVL & Pre-Record)	2:15pm – 5:00pm
Day 4 – Thursday 10 March 2022 Rā Tuawhā – Tāite te 10 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Tumohe Clarke (AVL & Pre-Record)	10:00am – 1:00pm
Kai o te rānui	1:00pm – 2:15pm
Ms NN (Pre-Record)	2:15pm – 5:00pm

Day 5 – Friday 11 March 2022 Rā Tuarima – Paraire te 11 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Hohepa Tairoa (AVL & Pre-Record)	10:00am – 11:30am
Te Aroha Knox (AVL & Pre-Record)	11:45am – 1:00pm
Kai o te rānui	1:00pm – 2:15pm
Karanui whānau (AVL & Pre-Record)	2:15pm – 5:00pm
Day 6 – Monday 14 March 2022 Rā Tuaono – Mane te 14 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Paora Sweeney (AVL)	10:00am – 1:00pm
Kai o te rānui	1:00pm – 2:15pm
Wiremu Waikari (AVL)	2:15pm – 5:00pm
Day 7 – Tuesday 15 March 2022 Rā Tuawhitu – Tūrei te 15 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Harry Tutahi (Pre-record)	10:00am – 1:00pm
Kai o te rānui	1:00pm – 2:15pm
Waiana Kotara (AVL)	2:15pm – 5:00pm
Day 8 –Wednesday 16 March 2022 Rā Tuawaru – Wenerei te 16 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Mr MM (AVL & Pre-record)	10:00am – 1:00pm
Kai o te rānui	1:00pm – 2:15pm
Natasha Emery (AVL & Pre-record)	2:15pm – 5:00pm
Day 9 – Thursday 17 March 2022 Rā Tuaiwa – Tāite te 17 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Harris Whānau (Te Enga Harris, Mereani Harris and Joyce Harris, Stuart Harris) (pre-recording)	10:00am – 1:00pm
Kai o te rānui	1:00pm – 2:15pm

Rev. Dinah Lambert (AVL)	2:15pm – 5.00pm
Day 10 – Friday 18 March 2022 Rā Tuangahuru – Paraire te 18 o Māehe 2022	
Opening Karakia/Waiata Karakia/Waiata Whakatuwhera	9:30am – 10:00am
Closing Panel – Paora Moyle, Gary Williams, Tupua Urlich, Denise Messiter and Hera Clarke (Facilitator: Professor Tracey McIntosh)	10:00am – 1:00pm
Kai o te rānui	1:00pm – 2:15pm
Closing submissions and mihi whakawātea Ngā kōrero kati me te mihi whakawātea	2:15pm – 3:30pm

